

PEIJ KO AN IJO JIKUMꞀ ILO PACIFIC

ENNAAN AN RITŌL AN ERIA

Inaaj Ami Meram

Elder O. Vincent Haleck

Eria Būreejtōn

Irooj ej ļōmņak iien otemjej kōn ro Iri-karejeran im ej kōmņan kallimur n̄an er. Ekar kōmņan kallimur kein kōn bujen ko.

N̄an Joshua Irooj ear ba, “. . . Āinwōt Iar pād ippān Moses, āindein inaaj pād ippamꞀ. I jāmin likjab jān eok ak ilōk jān eok. Men in wōt, kwōn kajoor, im kanooj peran.”

N̄an baamle eo an Liai ke raar ito itak ļok n̄an āneen kallimur eo, Irooj ear ba, “Inaaj barāinwōt ami meram ilo āne jemaden . . . komꞀ naaj jelā bwe ej kōn Eō kar tōl komꞀ.”

Rainin ilo Pacific Eria, elōn ippād armej ro raan kein rej āinwōt Liai kab Joshua me rej keememej jouj eo an Irooj im kōjeraamņan ko ilo mour ko aer jān mōkta im raan kein. Emōj ba bwe “keememej ej juon kakōļļein kamņoolol”. Ilo aolepān eria in ad emōj am karuwaineneik jet ripālele ro rej mijenede bwe ren itok im jerbal ilo jikin ko ilo Pacific in me Kabuñ eo ej eddōkļok wōt. N̄an ro emōj aer jerbal kab ro rej jerbal wōt, eñin ej wāween aer bar leļok n̄an rioktak ro rej kab oktaktok n̄an Kabuñ in. Bwebwenato ko an mijenede rein ikijjien Kabuñ in remaron̄ kar ijino elōn iio ko remootļok, ke mijenede ro jān Amedka raar itok im katakin rūtto ro jibūer im jimāer me raar bōk

gospel eo. Rioktak ro mōktata ilo āne kein, ilo jinoin rekar jab lukkuun jelā kōn tōmak eo aer ekāāl, ainļok wōt ro uwaan Kabuñ rej kab oktaktok im eddōkļok wōt. Kiiō kōmij kūr ripālele ro rej mijenede jān jikin ko im ekajoor Kabuñ ie ilo tōrein bwe ren itok im jipañ kōkajoorļok ro jeier im jatier ilo jikin ko im Kabuñ eo ej eddōkļok wōt. Emool, rej “kwaļok meram eo”. Jetōb an Irooj enaaj kamool kōn waanjoñak eo aer, bwe rej tōl jān kajoor an Irooj.

Elder O. Vincent Haleck



Ripālele ro rej mijenede rej kōmņan juon oktak ilo aer kōjērbal jelāļokjeņ eo aer im katakin ro uwaan Kabuñ in ilo jikin ko Kabuñ in ej eddōkļok wōt ie kilen tōl Kabuñ eo, im wāween aer mour kōn gospel eo ilo mour ko aer. M̄anit ko an armej ro ilo ijōkeen āinwōt Papua New Guinea, Solomon Islands, Vanuatu, Marshall Islands, im Kiribati rej epaake doon. Ripālele ro ad rej mijenede rej itok jān Samoa kab Tonga, im ebar lōn Risamoa im Ritonga ro me rej jokwe ilo Amedka,



Brother Viiga im Sister Lupe Fuimaono



Brother Lamese im Sister Loreta Taala

New Zealand im Australia. Ebar wōr juon brother jān Papua New Guinea, kab lio pāleen, im raar jermal.

Liñōri naan in kaṃool kein an mijenede ro im eṃōj aer jermal, kab ro rej jermal wōt:

“Mijen eo am ñan Soloman Islands iumwin ruo iiō ear juon iaan men ko eṃṃan tata me eṃōj amro kōṃṃane ippān doon ilo mour in, . . . eṃōj an jipaṇ kōmro bōk juon naan in kaṃool ekajoor . . . ñan amro meṃeṃe

kōn iakwe eo an Jemād Ilañ im ad Rilōmqōr ñan kōm, kab aolep ajri ro nejin. Eṃōj amro eñjake eṃṃanṃok im kajoorṃok im kōmij ‘etetal im jab parōk’. Kōm ar lo men in kabwilōñlōñ ko im pein Irooj ilo mour ko amro im mour ko an ro uwaan Kabuñ eo ilo an jermal eo wōnṃaanṃok.” —*Brother Viiga im Sister Lupe Fuimaono, Pesega Samoa Stake*

“Iumwin elōñ iiō ko, Iar jermal iumwin tōl eo an elōñ stake būreej-tōn ro āinwōt juon ri-jeje an stake eo. Jeḷḷḷokjeṃ eo iar bōke, eṃōj an kōpooj kōm ñan amro jermal im jipaṇ ritōl ro an priesthood eo im ritōl ro jet ilo stake eo an Daru Papua New Guinea. Kōmij watōke juon men in jeraamṃan. Aō jermal ñan Irooj ippān lio me enaaj pāleeō ñan indeeo Sister Taala, ej juon jeraamṃan iien otemjej.” —*Brother Lamese im Sister Loreta Taala, Pago Pago Samoa West Stake*

“Jermal eo amro ilo Papua New Guinea eḷap tokjān ñan kōm, eḷaptata ñan Brother Jackson, āinwōt juon eo ej itok jān ijo. Jermal in am ear juon jeḷḷḷak ñan PNG, ijo kōmar oñ kake, ñan kwaḷok gospel eo an Jisōs Kraist eṃōj an jeḷḷḷaktok ñan baamḷe eo am kab armej ro am. Am ekkōnak badge in mijenede ko amro kajjojo raan ear letok eḷap kajoor in tōmak im kōjat-dikdik. . . .” —*Brother Peter im Sister Serena Jackson, Eight Mile Plains Australia Stake*

“Kōṃṃool kōn ami kōṃṃan bwe ripālele rein ren jermal ijin ilo



Brother Peter im Sister Serena Jackson



Mission Būreejtōn Finau Hafoka

PNG. Eļap aer jipaņ ilo an Kabuņ in eddōkļok im ilo aer kōkajoorļok ro uwaan Kabuņ ijin. Rej jermal āinwōt ritōl ro, rikakpilōk ro, rijipaņ ro im rūkaki ro ilo branch ko im ward ko aer. Rej barāinwōt jipaņ Elder ro rej

jermal aolep raan ilo aer jermal in karejar nān ro rejjab uwaan Kabuņ in kab ro uwaan Kabuņ rejaniknik bar roļtok nān mākūtūt ko an Kabuņ in. Āinwōt juon tōprak, nāij loe juon oran ej eddōkļok rej etal nān kweilok

in kwojkwoj eo. Kōrā ro jeid im jatid rej jipaņ ilo Būraimere, Doulu eo an Jiroņ ro im Doulu eo an Kōrā ro, nān kōkajoorļok radik kein”. —*Mission Būreejtōn Finau Hafoka, Papua New Guinea Port Moresby Mission*

Kōn aer jipaņ, ripālele ro ad rej mijenede rej kalok Kabuņ in. Rej jipaņ ko ilo wāween an Irooj bōktok meram in gospel eo an nān armej im nān juon aelōn. Ine ko rej kalbwini ilo bōro ko im ļomņak ko repojak. Kallimur eo an Irooj ealikkar, “Enaaj pād ianbwijmaroņimi im ianmiiņimi, im An Jetōb enaaj pād ibūruōmi, im eneļ ro An ipeļakimi, nān kotak kom”. ■

BWEBWENATO KO AN IJO JOKWE IE

Anij Enaaj Kōpooj Juon laļ Nān Ad Kōjparok Kien Ko An

Sestina Linunnun Harry Jabjulan

Iar roņ kōn Pathway Program mōk-tata ilo juon kweilok an Stake eo am. Elder Villa ear kōnono kake im iar jeļā ke iaikuj in kōmņane.

Jeļāļokjeņ ear aolep iien juon aō kōttōpar. Ilo 2009 iar riiti naan ko an Elder Dieter F. Uchtdorf ilo *Ensign* eo im naan ko an raar pād ippa tok nān kiiō.

“Nān ro uwaan Kabuņ eo, jeļāļokjeņ ej jab baj juon ļomņak emņan —ej juon kien. Jej aikuj in katak kōn men ko jimor ilo laņ im ilo laļ, im

iumwin laļ; men ko me rekar pād, men ko repād kiiō, men ko me ejjab etto an jejjat kūtier; men ko ilo laļ eo ami, men ko ilo laļ ko jet” (Dieter F. Uchtdorf, “Two Principles for Any Economy”, Oktoba 2009 Kweilok eo Eļap; www.lds.org/study/general-conference/2009/10/two-principles-for-any-economy?lang=mah).

Iar jeļā ke ikdeelel eo aō nān ekkatark ear juon ikdeelel ejimwe. Ilukkuun tōmak bwe aolep men ko jej katak ilo

mour in renaaj pād ippād ilo mour eo ej itok im iar kōņaan bōk jeļāļokjeņ joņan wōt aō maroņ.

Iar ļomņak in katak elōn kōttan, ak emōj aō kar m̄are im ej kab ļotak ruo neju bo. Iar pād wōt ilo aō kōjatdikdik ke kōm ar etale aolep jekjek ko roktak ak emōkaj am kile ke kōm ban kar maroņ kōļļā wōnān juon rilale ajri ro ak maroņ e nān an ļeo pāleeō jab jermal bwe en maroņ in lale er. Iar lukkuun ļomņak bwe in

JORDAN RIVER TEMPLE



kōmman kūlaaj ko ilo online ak ke iar kanne aolep pepa ko, iar lo ke ebar lap wōnān kōmmane. Elap an kar kabūromōjmōj ak iar lukkuun tōmak, ilo iien eo, bwe maroñ eo aō ilo bōk jeļāļokjeņ ekar kiō jako. Lukkuun kamoolol, bwe Anij ejeļā ke iar koņaan kōjparok kien eo ñan bōk jeļāļokjeņ im ñe Irooj ej kakien ej iien otemjej kōpooj juon iaļ.

Ejap to jān iien eo iaar joļok aō ļōmņak in ekkatak, ña kab baamle eo aō kar bar rōļl ļok ñan Marshall

Islands ñan am jipañ jema im jinō. Ke iar jijet ilo kweilok eo eļap an stake eo im roņjake an Elder Villa kōnono kōn Pathway Program eo, iar jeļā ke Irooj ear kōjparok kallimur eo An bwe iien otemjej enaaj kōpooj juon iaļ ñan ad kōjparok kien ko an. Iar lukkuun mōņōņō im iar kajju kanne aō peba ñan deļoņe.

Aaet, ij juon mama wōt ñan ruo ajri bo me relukkuun dik im emmourur, im barāinwōt juon niñniñ leddik, im dāpdep ilo elōñ men ko ej juon men epen.

Aolep jibboñ ij ruj ilo 6 awa jejjet, ij jar innām ña ij katak kilaa eo ao ñan raan eo mōokta jān an ajri ro ruj. Ñe reruj, ij najidik er, kōmman aer nuknuk im kepooj er ñan raan eo. Ekkā am etal ñan parijet bwe ren ikkure im ijo ij wōnmaanļok im katak ilo cell phone eo aō me ej pād ippa jabde-wōt jikin ña im arji ro rej etal ñan e. Itōrerein lak 11 awa jibboñ kōmij rōļl ñan mweo im mōñā in raelep im pād ippān doon maer aer kiki ilo ruo awa ālikin raelep. Ilo ien eņrej kiki, ij kadedeļok pepa ko aō, kōpooj katak in seminary ñan raan eo ilju im jerbal joñan wōt eo imaroñ kamōje mōokta jān aer ruj. Jūkeejul in emaroñ kamōkmōk jet iien ak ñe itōn ebweer, ij kalimjek ajri ro nejū reaorōk im keememej bwe ña ij kōmman waan joñak ñan er. Jema im Jinō aolepen ien rej kakeememej eō bwe eļañne ij mijak Anij im pukōt an tōl ilo men otemjej, enaaj wōr aō kajoor in kade-deļok program eo im ilo aō barāinwōt likūt baamle eo ao mōktata.

Ikōņaan bwe ajri ro nejū ren jeļā ke aer maroñ in bōk jeļāļokjeņ eban jako. Jemedwōj Ilañ ejeļā kōn jekjek ko jejj pād ie k im kōn jouj eo An, kab program ko raorōk an Kabuñ in, emōj an kōpooj elōñ iaļ in ad bōk jeļāļokjeņ. eo pāleō ej juon jipañ eo elap ñan eō. Aolep raan ej kōmman joñan wōt an maroñ, ekoba karreo mweo im ikkure ippān ajri ro, ñan an jipañ eō tōpar kōttōpar ko aō.

Jān raan eo kein kajuon in aō kōm-
māne Pathway Program eo iar eñjake
an naan in kaṃpool eo aō eddōkļok.
Program in ej kōjeraamṃan mour eo
aō jīmōr ilo kanniōk im jetōb im ij

ļōmṃak in wōnṃaanļok ilo katak ko
aō joñan aō maroñ. Ikōṃaan kwaļok
ñan ajri ro nejū bwe kōn Anij ejjelok
men ko renaaj bane. Ñe jineer emaroñ
kōmṃane, remaroñ bar kōmṃane. ■

Juon Ettōṃak Ekūrṃool

Newsroom



Maria Kupun Mael, eo kar ļotak
Milo Papau New Guinea ear aolep
iien kōṃaan bōk juon tikrii jān juon
university ak ear jaje ewi wāween an
naaj kakūrṃool ettōṃak in. Inepata kōn
jāān im men ko jet ear kōmṃan bwe
an bōk jeļāļokjeṃ ear juon iaļ epen
ñan jibadek, ak ear jino an oktak ke ear
kobatok ippān Kabuñ eo an Jisōs Kraist
im Armej Ro Rekwojarjar ilo Raan Ko
Āliktata ilo 2004.

Ilōñinļak ruwalitōk iiō ko, Maria
ear jerbale juon mijen ilo Vanuatu, ear
ṃareiki ļeo pāleen Luke Robert Mael
im rōļol ñan Vanuatu ijo raar jino juon
baamļe. Jān aolepān men kein, ettō-
ṃak eo an ñan pukot juon tikrii ear
jab jakoļak.

“Iar jar kake aolep iien. Iar jeļā ke
juon raan ettōṃak eo aō enaaj kar kūr-
ṃool,” ear ba.

Ilo 2012 Maria ear iioone juon sister
mijenede eo erūtto im ej jipañ armej ikij-
jien aer bōk jeļāļokjeṃ jān New Zealand
etan in Ruth Maha. Ruth ear leļok ñan e
juon peba in kanne kōn Perpetual Edu-
cation Fund an Kabuñ eo. Sister Maha
ear ba ñan Maria bwe enaaj maroñ in
bōk jipañ in im bōk tikrii eo an.

Perpetual Education Fund eo (PEF)
an Kabuñ eo an Jisōs Kraist im Armej
Ro Rekwojarjar ilo Raan-ko Āliktata ej
jipañ ro uwaan Kabuñ eo dik im rūtto
jīmōr ñan aer bōk jeļāļokjeṃ. Program
in emōj an jipañ elōñļok jān 90,000
armej ro āinwōt Maria, ijoko jabdewōt
ipeļaaikin laļ in, jān an ijino ilo 2001.



Kōn jipañ an PEF eo, Maria ear jino an katak ilo University of the South Pacific Emalus Campus ilo Vanuatu ilo 2013. Ālikin elōñ iiō in an ettōñak, Maria ear pād ilo jinoin iaļ eo, ak iaļ eo imāan maroñ obrak wōt kōn mällejoñ ko.

Ajri eo nejin Maria kein kajilu ear ļotak ke ear jerbal ñan bōk tikrii eo an. Ear bōk emān kūlaaj ko kajjojo semester, im ear “jab lukkuun pidodo,” ear ba.

Ekkā an etetal ñan kilaaj ko an, juon awa in etetal, ijellokin an bōk baj eo ñan an kōjparok an jāān bwe ajri ro nejin ren jab kwōle.

Elōñ iaan ro mōttan im ro nukwin raar kōraate Maria kōn an pukot jeļāļokjeñ, im kar ba bwe ej aikuj in pād wōt ilo m̄weo im lale baamle eo an. Naan in kōraat kein raar kabūromōj Maria, ak ear jab ebweer. Ear oktakļok ñan Irooj ilo jar bwe en pukōt aenōm̄man. Kōn Jetōb Kwōjar-jar ear lo lōke ke emaroñ kar tōp-rak im ear tōmak ilo e make ilo an wōnmaañļok.

Cyclone Pam ear kōjorāān Vanuatu ilo 2015 im ear kōkkure m̄weo imōn Maria im kōm̄man bwe en ejjeļok an jikin kiki ium̄win juon wiik.

“Aolep bok in ekkatak ko aō raar jako,” Maria ear ba.

Pen im dim wōt, ear kōjerbal bok ko jān ļāibrāre eo im ear wōn-māañļok ilo katak ko an. Kar ejjeļok an Maria internet ilo m̄weo imōn, kōn menin ear kōjerbal internet eo an jikin jikuul eo ñan katak im riiti note ko an.

Kōn jipañ eo an ļeo pāleen, Maria ear anjō ioon aolep mällejoñ ko me raar pinej iaļ eo an.

“Ļeo pāleō ear lukkuun jipañ eō ilo aō katak,” ear ba, “kōjekdōon men ko repen, ear ba bwe in jab

ebweer. Ear lale ajri ro ilo ien aō etal n̄an jikin jikuuļ eo n̄an katak ilo kilaaļ ko aō im n̄an kōdedeļok pepa ko aō.”

Maria ear barāinwōt lo aenōm-ṁan ilo naan ko an ri-kanaan ro. “Rikanaan ro im rijelōk ro rej katakin bwe jeļāļokjeņ ej juon katak me ej n̄an indeeo,” ear ba, Elder Dieter F. Uchtdorf ej ba: “N̄an ro uwaan Kabuñ eo, jeļāļokjeņ ej jab baj juon ļōmņak emṁan—ej juon kien.”

Maria ear kadiwōjļok ilo 30 Nobōm̄ba 2018, ļalem iio j̄an an kar jino an ekkatak. Ear bōk juon bachelor’s tikrii ilo commerce, im ear katak kōn Management kab Public Administration, im Sociology j̄im̄or. Ej ļōmņak in wōnṁaanļok n̄an an bōk juon masters tikrii im juon PhD.

“Ikōṅaan bwe in juon waan joņak emṁan n̄an ajri ro nejū ioon aeloñ in,” ear ba. “Meļeļein bwe in pojak, bōk jermal me enaaļ emṁan, erom juon eo me emaroñ kōjparok e make im jermal n̄an ro jet. Ij tōmak bwe Irooj enaaļ kōpooj juon iaļ n̄an aō kadedeļak men in. Irooj ekōṅaan bwe jen m̄ōṅō-ṅō ilo mour in im eļaññe jenaaj m̄ō-ṅōṅō jej aikuj in tōmak ilo kōj make, wōnṁaanļok, anjō ioon mallejoñ ko im tōpar ettōņak ko ad.”

Rej ļōmņak bwe Maria ej juon iaan kōrā ro uwaan Kabuñ eo mōktata ilo Vanuatu im emōj an kadiwōjļok j̄an juon university. ■

Mijenede ro Rej Lōmṁoren Emān Armej ilo Kiribati

Newsroom

Ā likin an juon kaar okjak ilo dān ettoon, rijipañ ro redik raar itōm jipañ.

Ruo mijenede ro j̄an Kabuñ eo an Jisōs Kraist im Armej Ro Rekwōjarjar ilo Raan-ko Āliktata rej kab lōmṁoren emān emṁaan ro ļaanwōtwōt me kaar eo waer ear itaak im jorāan ilo dān ilo aeloñ in Kiribati.

Elder Ulas im Elder Patane, ke erro ar j̄im̄or jermal ilo Marshall Islands/Kiribati mijen, raar ettōr kōn bajkōļ ko aer ioon juon iaļ ioon aeloñ in Tarawa ke raar lo juon kaar me emōkaj an ettōrtok n̄an er.

Mijenede ro raar bōjrak im alwōj an wa eo epaaktok, ke ejidimkij an jeor j̄an iaļ eo, okjak innām bōjrak, jimmatan wa eo iumwin dān eo.

Āinwōt am̄ lo ilo pija eo me ej pād ippān bwebwenato in, jikin an armej j̄ijet ilowaan wa eo enañin kar obrak kōn dān.

Mijenede ro ruo raar kajju ettōrļok n̄an wa eo me ear tulok ilo dān eo im Elder Ulas ear deloņe ļwe eo ke elder



lōmṁoren juon rikātōr im bar jilu pajinjea ro rekar pen ilo juon wa ekar rumļok ilojet ālkin juon itaak.

eo mōttan, Elder Patane, ear pād ioon āneo nān an kōle juon ambulance.

Juon iaan kōjām ko itulikin wa eo ear jorāān ak juon iaan kōjām ko imāan ear maroñ in peļļok im Elder Ulas ear nōore ļōmaraņ jān wa eo, juon ilok juon, nān āne emōrā. Ilo ien eo ļeo kein kāāmen, ri-kattōr wa eo, kar kadiwōj tok jen wa eo, emōj an ļōmaraņ jilu ko jān ijo. Ijoke, rikattōr wa ear jorrāān im bōtōktōk.

Emōkaj an kōmņmane, Elder Ulas ear kōjerbal juon mōttan kilaaj in wa

eo nān mņwijiti mōttan back-pack eo an im kōmņman juon tourniquet nān kōbōjrak tōrļok in bōtōktōk eo.

Ālikin elōñ kōļ ko im juon iien kōttar eaitok, juon ambulance ear tōpar-tok er in jipañ.


Rikattōr wa eo ear kamņoolol mijenede ro kōn aer peran im jouj im ear ba bwe ro uwaan Kabuñ eo an Jisōs Kraist im Armej Ro Rekwōjarjar ilo Raan-ko Ālikitata rej “lukkuun mour ekkar nān men ko rej ba.” ■

KAJJITŌK KŌN BWEBWENATO KO

Jākjen eo an peij eo ad ej kōmņman Jān membōr ro ilo eria in ad make iumwin tōl eo an Eria Būreejtōnĵi eo me emaroñ in kwaļok aikuj ko im eñjake ko an membōr ro ijo jej jokwe ie. An pād bwebwenato ilo peij eo an eria in ilo kajjojo bok in liaona eo ej pedped wōt ilo an lōñ bwebwenato ko ie. Jej ruwainene nān jipañ kareel kōn tōmak im ļōm-ņak ko im eñjake ko ad ilo ad jejeļok nān riijeje eo ad:

**liahona-pacific@
churchofjesuschrist.org** ■

ERIA WEBSITES



TAHITI ERIA SITE: pacific.lds.org/pf

KIRIBATI ERIA SITE: pacific.lds.org/ki

SAMOA ERIA SITE: pacific.lds.org/ws

TONGA ERIA SITE: pacific.lds.org/to

AUSTRALIA ERIA SITE: pacific.lds.org/au

NEW ZEALAND ERIA SITE: pacific.lds.org/nz

FIJI ERIA SITE: pacific.lds.org/fj

AUSTRALIA NEWSROOM: www.mormonnewsroom.org.au

NEW ZEALAND NEWSROOM: www.mormonnewsroom.org.nz

PAPUA NEW GUINEA NEWSROOM: www.mormonnewsroompg.org

